



誦經呪回向寒月向火先坐爐圈上然後轉身正坐揖上下肩
不得弄香匙火筋不得撥火飛灰不得聚頭說話不得煨點心
等物不得炙鞋焙襦烘衣裳不得攬起直裰露袴口不得吐唾
并彈垢膩於火內如前所集一日事件衆中威儀非敢聞於老
成聊以誘於初學升堂入室小叅諷經念誦巡察解結人事裝
包頂笠送亡唱衣應係微細軌則清規旣已具載尊宿各有明
文不再備陳徒爲贅語

龜鏡文

慈覺大師蹟公述夫兩桂垂陰一華現瑞自爾禁林之設要之
本爲衆僧是以開示衆僧故有長老表儀衆僧故有首座荷負

衆僧故有監院調和衆僧故有維那供養衆僧故有典座爲衆
僧作務故有直歲爲衆僧出納故有庫頭爲衆僧典翰墨故有
書狀爲衆僧守護聖教故有藏主爲衆僧迎待檀越故有知客
爲衆僧請召故有侍者爲衆僧守護衣鉢故有寮主爲衆僧供
待湯藥故有堂主爲衆僧浣濯故有浴主水頭爲衆僧禦寒故
有炭頭爐頭爲衆僧乞丐故有街坊化主爲衆僧執勞故有園
頭磨頭莊主爲衆僧滌除故有淨頭爲衆僧給侍故有淨人所
以行道之緣十方備足資身之具百色現成萬事無憂一心爲
道世間尊貴物外優閑清淨無爲衆僧爲最迴念多人之力寧不
知恩報恩晨參莫請不舍寸陰所以報長老也尊卑有序舉止

安詳所以報首座也外遵法令內守規繩所以報監院也六和共
聚水乳相參所以報維那也爲成道業故應受此食所以報典
座也安處僧房護惜什物所以報直歲也常住之物一毫無犯
所以報庫頭也手不把筆如救頭然所以報書狀也明窓淨案
古教照心所以報藏主也韜光晦迹不事追陪所以報知客也
居必有常請必先到所以報侍者也一瓶一鉢處衆如山所以
報寮主也寧心病苦粥藥隨宜所以報堂主也輕徐靜默不昧
水因所以報浴主水頭也緘言拱手退已讓人所以報炭頭爐
頭也忖己德行全缺應供所以報街坊化主也計功多少量彼
來處所以報園頭磨頭莊主也酌水運籌知慙識愧所以報淨

頭也寬而易從簡而易事所以報淨人也是以焚林之下道業
惟新上上之機一生取辦中流之士長養聖胎至如未悟心源
時中亦不虛棄是真僧寶爲世福田近爲末世之津梁畢證二
嚴之極果若或焚林不治法輪不轉非長老所以爲衆也三業
不調四儀不肅非首座所以率衆也容衆之量不寬愛衆之心
不厚非監院所以護衆也修行者不安敗羣者不去非維那所
以悅衆也六味不精三德不給非典座所以奉衆也寮舍不修
什物不備非直歲所以安衆也畜積常住減剋衆僧非庫頭所
以贍衆也書狀不工文字箋裂非書狀所以飾衆也几案不嚴
喧煩不息非藏主所以待衆也憎貧愛富重俗輕僧非知客所

以贊衆也禮貌不恭尊卑失序非侍者所以命衆也打疊不勤
守護不謹非寮主所以居衆也不閑供侍惱亂病人非堂主所
以恤衆也湯水不足寒暖失宜非浴主水頭所以浣衆也預備
不前衆人動念非爐頭炭頭所以向衆也臨財不公宣力不盡
非街坊化主所以供衆也地有遺利人無全功非園頭磨頭莊
主所以代衆也懶惰併除諸緣不具非淨頭所以事衆也禁之
不止命之不行非淨人所以順衆也如其衆僧輕師慢法取性
隨緣非所以報長老也坐卧參差去就乖角非所以報首座也
意輕王法不顧焚林非所以報監院也上下不和鬪諍堅固非
所以報維那也貪婪美膳毀訾麁食非所以報典座也居處受

用不思後人非所以報直歲也多貪利養不恤常住非所以報
庫頭也事持筆硯馳騁文章非所以報書狀也慢易金文看尋
外典非所以報藏主也追陪俗士交結貴人非所以報知客也
遺忘召請久坐衆僧非所以報侍者也以己方人慢藏誨盜非
所以報寮主也多嗔少喜不順病緣非所以報堂主也桶杓作
聲用水無節非所以報浴主水頭也身利溫暖有妨衆人非所
以報爐頭炭頭也不念修行安然受供非所以報街坊化主也
飽食終日無所用心非所以報園頭磨頭莊主也涕唾墻壁狼
籍東司非所以報淨頭也專尚威儀宿無善教非所以報淨人
也蓋以旋風千匝尚有周但知舍短從長共辦出家之事所

異獅子窟中盡成獅子旃檀林下純是旃檀今斯後五百年
再覩靈山一會然則法門興廢繫在僧徒僧是福田所應奉
重僧重則法重僧輕則法輕內護既嚴外護必謹設使粥飭主
人一期王化叢林執事偶尔當權常宜敬待同袍不得妄自尊
大若也貢高我慢私事公酬萬事無常豈能長保一朝歸衆何
面相看因果無差恐難迴避僧爲佛子應供無殊天上人間咸
所恭敬二時粥飯理合精豐四事供需毋令缺少世尊二千年
遺蔭蓋覆兒孫白毫光一分功德受用不盡但知奉衆不可憂
貧僧無凡聖通會十方旣曰招提悉皆有分豈可妄生分別輕
厭安日過三朝權住盡禮供承僧堂前暫尔求齋等心

供養作客尚猶照管僧家忍不逢迎若無有限之心自有無窮之福僧門和合上下同心互有短長迥相蓋覆家中醜惡莫使外聞雖然於事無傷畢竟減人瞻仰譬如獅子身中蟲自食獅子身中肉非天魔外道所能壞也若欲道風不墜佛日長明壯祖域之光輝補

皇朝之聖化願以斯文為龜鏡焉

病僧念誦

凡有病僧鄉人道舊對病者榻前排列香燭佛像念誦贊佛云
水澄秋月現懇禱福田生惟有佛菩提是真皈依處今晨則為在病比丘某甲釋多生之冤對懺累劫之愆尤特運至誠仰投清眾稱揚聖號蕩滌深殃仰憑尊
回向云伏願一心清淨四大輕安眾念清淨法身毘盧十號云云

法身堅固再勞尊眾
念十方三世云云
如病重為十念阿彌陀佛念時先白贊云
阿彌陀佛真金色相好端嚴無等倫白毫宛轉五須彌紺目澄清四大海光中化佛無數億化菩薩眾亦無邊四十八願度眾生九品咸令登彼岸今晨則為在病比丘某甲釋多生之冤對懺累劫之愆尤特運至誠仰投清眾稱揚聖號蕩滌深殃仰憑尊眾念南無阿彌陀佛一百声觀世音菩薩大
回向云伏願在病比丘某甲諸勢至菩薩清淨大海眾菩薩各十聲
緣未盡早遂輕安大命難逃在生安養
十方三世云云

口
抱病僧某右某本貫某州某姓幾歲給到某處度牒為僧某年到某寺掛搭今來抱病恐風火不定所有隨身行李合煩公界抄割死後望依禁林清規津送
詞
年 月 日 抱病僧 某甲口詞

亡僧

抄剝衣鉢 凡有僧病革直病者即白延壽堂主稟維那請封行李 司行者覆首座頭首知事侍者同到病人前抄寫口詞

直病者同執事人收拾經櫃函櫃衣物抄割具單見數一一封

鎖外須留裝亡衣服直綴掛絡内外衣裳數珠香合脚緝鞋襪淨髮巾收骨綿子等合用之物

併作一處包留延壽堂主同直病者收掌或病者不能分付維

那首座力當主行李者亦須盡禮津送單帳鎖匙封押納

首座處所封行李首座維那知客侍者四寮人力搵歸堂司若

單寮勤舊行李多者封起只留本房庫司差人看守亡僧非生

前預聞住持兩序勤舊及無親書不可擅自遺囑衣物大川和

亡浴畢淨髮拭浴衣被酌量俵浴亡人手中與淨髮人維那提

司行者報燒湯覆首座知客侍者庫司差人搵龕浴船安排浴

督着衣入龕置延壽堂中鋪設椅卓位牌牌上書云新圓寂某

靈或西堂則書前住某寺某號某禪師之靈餘隨職稱呼書之備香燈供養現前僧眾諷大悲

呪回向安位夜點長明燈堂司行者預造雪柳幡花直靈行者

每日上粥飢知事三時上茶湯燒香齋粥殿堂諷經罷及放參

罷堂司行者即鳴手磬前引首座領眾至龕前住持燒香畢維

那舉大悲呪回向云上來諷經功德奉為新圓寂某甲次鄉人

舉呪鄉長出燒香每日三時禮同除公界回向稱雙字名餘只

稱單字名回向同前如遇旦望及景命日免諷經未可出喪

請佛事 秉炬必請住持舉佛事其餘鎖龕起龕起骨入塔佛

事維那稟首座商量依資次輪請頭首為之仍用小片白紙寫

帖子云

新園寂某甲上座某州人

某

拜請

秉炬

佛事

堂頭和尚

若

亡者是西堂單寮勤舊衣鉢稍豐則添奠茶湯轉龕轉骨等
佛事輪請單寮西堂首座及本山江湖名勝維那備盤袱爐
燭香一片帶行者詣方丈插香觸禮一拜稟云
某甲上座圓寂
某日茶毘拜請
和燭呈納帖子而退請頭首禮同堂司置佛事簿以備稽考
輪請

估衣

維那分付堂司行者請住持兩序侍者就堂司或就照

堂對衆呈過包籠開封出衣物排地上席內逐件提起呈過維
那估直首座折中知客侍者上單排字號就記價直在下依號
寫標貼衣物上入籠仍隨號依價逐件別寫長標以備唱衣

時用方丈兩序諸寮舍並不許以公用爲名分去物件常住果
有必得用者依價於抽分錢內准或亡僧衣鉢稍豐當放低估
價利衆以薦冥福

大夜念誦

來早出喪隔日午後堂司行者覆住持兩序報衆

掛念誦牌預報庫司造祭食差人鋪排祭筵鄉人法眷作祭文
納庫司錢回祭備小香二片上祭用若亡僧是大方名德西堂
單寮勤舊有功山門住持兩序有祭維那讀祭文放參罷鳴僧
堂鐘集衆龕前念誦知事先燒香上茶湯住持至燒香居東
序上首立維那出燒香請鎖龕佛事受請人出班燒香退身
問訊次住持前問訊轉東序前問訊巡至班末問訊次西序

前問訊然後與大眾普同問訊從西序末過若見職頭首各依
本位空處過至龕右側立堂司行者以杵托鎖候舉佛事畢行
者以鎖鎖龕畢住持復位維那出几前左邊揖住持兩序上香
畢維那向龕念誦云切以生死交謝寒暑迭遷其來也電擊長
空其去也波停大海是日則有新圓寂其
甲上座生緣既盡大夢俄遷了諸行之無常乃寂滅而為樂恭
哀大眾肅詣龕悼誦諸聖之洪名薦清寃於淨土仰憑大眾念
清淨法身舉大悲呪回向云其上來念誦諷經功德奉為新圓寂
毘盧云云勞蓮開上品之花佛受一生之記云知客平舉楞嚴呪回向云上
再勞大眾念十方三世一切云座莊嚴報地十方三世云云住持仍歸東序上首立江湖道
舊鄉人法眷次第設祭末舉大悲呪回向與知客同
送亡 凡出喪庫司預分付監作行者辦柴化亡差撥行僕鏡

鈸鼓樂旛花香燭擡龕喪儀一切齊備堂司行者隔宿覆住持
兩序掛送亡牌次早行粥遍食椎後再鳴椎一下云白大眾粥
罷普請送
亡除守寮直堂外又鳴椎一下出聖僧前問訊次住持前問訊
並當齊赴謹白 畢從首座板起巡堂一匝至外堂歸內堂問訊而出如遇
聖節內不可白椎堂司行者徑覆住持兩序粥罷報堂云請首
座大
衆聞鐘聲延鳴僧堂鐘衆集維那念誦宜畧緊念云欲奉靈龕
壽堂諷經鳴僧堂鐘衆集維那念誦宜畧緊念云赴茶毘之
盛禮仰憑大眾誦諸聖之洪名用表攀
蓮上資竟路念清淨法身毘盧遮那佛畢住持轉東序上首立
維那出燒香請起龕佛事舉畢行者鳴鈸擡龕出山門首若
奠茶湯轉龕龕則向裏安排香几首座領衆兩行排立維那炷
香請佛事候舉佛事而行如不轉龕徑出門外維那向裏合

掌而立舉往生呪大衆同念兩兩次第合掌而出各執雪柳行者排立門外低頭合掌待揖僧衆行盡亦隨後送維那隨龕都寺押喪

茶毗 喪至涅槃臺知事燒香上茶次住持上香歸位維那出

燒香請住持秉炬佛事直歲問訊度火把候舉佛事畢維那向

龕念誦云是日則有新圓寂某甲上座既隨緣而順寂乃依法衆資助覺靈南無西方極樂世界大慈大悲阿彌陀佛十聲罷

上來稱揚十念資助往生惟願慧鏡分輝真風散彩菩提園裏

開敷覺意之花法性海中蕩滌塵心之垢知事候念茶傾香藝

茶傾三奠香藝一炉奉送雲程和南聖衆

時躬出傾藝表山門禮維那就行之非禮也舉大悲呪回向云

上來念誦諷經功德奉為新圓寂某甲上座知客平舉楞嚴呪

茶毘之次莊嚴報地十方三世一切云云

回向同前但無念誦二字鄉人法眷諷經回向同

唱衣 茶毗後堂司行者覆住持兩序侍者齋罷僧堂前唱衣

仍報衆掛唱衣牌候齋下堂排辦僧堂前住持首座分手位兩

序對坐入門向裏橫安卓凳卓上仍安筆硯磬剪掛絡合用什

物地上鋪席俱畢堂司行者覆住持兩序侍者鳴鍾集衆維那

知客侍者同入堂歸位向裏列坐堂司行者供頭喝食衆行者

一行排列向住持兩序問訊轉身向維那知客侍者問訊畢扛

包籠住持兩序前巡呈封記於首座處請鎖匙呈過開取衣物

照字號次第排席上空籠向內側安維那起身鳴磬一下念誦

云浮雲散而影不留殘燭盡而光自滅今茲估唱用表無常仰

憑大衆奉為某甲上座資助竟靈往生淨土念清淨法身毘

盧遮那十號畢鳴磬一下云夫唱衣之法蓋稟常規新舊短長

佛云云自宜照顧磬聲斷後不許翻悔謹

白再鳴磬一下拈度牒於亡僧名字上橫剪破云亡僧本名度

破鳴磬一下付與行者捧呈兩序維那解袈裟安磬中却換掛

絡堂司行者依次第拈衣物呈過迤與維那提起云某號某物

一唱若干如估一貫則從一伯唱起堂司行者接聲唱眾中應

聲次第唱到一貫維那即鳴磬一下云打與餘號並同或同聲

應同價者行者喝住云破再唱起鳴磬為度堂司行者問定某

人名字知客寫名上單侍者照名發標付貼供行者迤與唱得

人供頭行者仍收衣物入籠一一唱畢鳴磬一下回向云唱上

念誦功德奉為圓寂某甲上座莊嚴近來為息喧亂多作闍拈

報地再勞尊眾念十方三世云云

法持見住衣物過三日不取者照價出賣造板帳

增輝記云佛制分衣意令在者見其亡物分與眾僧作是思

惟彼既如斯我還若此因其對治息貪求故今不省察翻於

唱衣時爭價喧呼愚之甚也

入塔 茶毗後執事人鄉曲法眷同收骨以綿裹袱包函貯封

定迎歸延壽堂位牌上三時諷經第三日午後出板帳於僧堂

前令眾通知如不合成式及有侵欺許以禮覆上下覈實改正

者須公廉平允以出板帳畢者合擯罰為住持及執事

鳴鐘集請起骨佛事送至塔所請入塔佛事入畢知事封塔維

那舉大悲呪回向云上塔之坎莊嚴報地十方云云知客平

舉楞嚴呪鄉人諷經回向並同

板帳式

今具估唱亡僧某甲稱呼衣鉢鈔收支下項

一收鈔壹千貫文 係唱衣鉢收到

或別有收鈔名目逐一列寫

支鈔玖拾壹貫文

係板帳支行

開具內壹拾伍貫文

回龕

三貫文

回祭

參貫文

設粥

壹貫文

龕前燈油

拾貫文

筆紙造單
幡花雪柳

壹貫文

淨髮

貳貫伍伯文

移龕搥

伍伯文

燒浴湯

貳貫文

浴亡

壹貫文

直靈上粥飯

伍伯文

庫司客頭
報造祭

伍伯文

釘掛祭筵

伍伯文

管計出椀楪

伍伯文

庫子出給
造祭

伍伯文

監厨造食

伍伯文

庫司茶頭上

伍伯文

參頭差撥
行者

貳貫文

堂司行者
報衆

伍伯文

監竹差撥

伍伯文

方丈聽叫
捧香合

拾貫文

行堂諷經

壹貫文

貼堂司行者鳴
廊板

貳貫文

四寮茶頭
供應

壹拾伍貫文

昇龕

壹貫文

打鉢

參貫文

鼓樂

參貫文

扛香卓挑
幡燈六人

伍伯文

俵雪柳柴枝

壹貫文

化亡

參貫文

方丈一行
人僕送喪

壹貫文

四寮人力扛凳卓

伍伯文

點堂司行
者呈衣

伍伯文

堂司行者
唱衣

伍伯文

貼供頭廂唱
衣標

伍伯文

供頭收衣

伍伯文

唱食行者
撮闍

伍伯文

取骨

壹貫文

搥皮函

壹貫文

直塔
共支行

支鈔貳伯柒拾貫文

係板帳支行外三七抽分歸常住計上件

支鈔壹伯叁拾伍貫文

佛事

開具內貳拾貫

秉炬

壹拾貫

貼

炬佛肆拾貫錫龕起龕起骨入塔貳拾貫貼上四項佛事參拾貫維那山頭佛事知客侍者把帳

壹拾伍貫貼上三項佛事共支行

支鈔壹拾伍貫文首座主喪都寺押喪維那主磬各伍貫文計上件支行

支鈔玖貫文知客率經侍者捧香合各三貫聖僧侍者收唱衣錢貳貫直歲度火把壹貫計上件支行

支鈔壹拾伍貫文方丈兩序堂司行者抄劄估衣造單三次點心方丈双分計上件支行

支鈔貳拾貫文方丈兩序餘單方丈双分計上件支行

支鈔肆伯肆拾肆貫伍伯文係俵眾經錢觀音大士聖僧方丈雙分僧眾約四百員各壹貫文堂司行者隨僧贖在假并暫到約七十人半分各伍伯文共支行

九人半分各伍伯文共支行

除支外見管鈔伍伯文收堂司公用

右具如前

年月日堂司行者某具

把帳

侍者某押

知客某押

直歲知殿

典座知浴

副寺藏主

維那藏主

副寺書記

監寺首座

都寺首座某押兩序並同

住持

押

板帳之設蓋古者凡立成式必書諸板示不可移易也故禁
林亡僧有板帳焉凡僧亡以其所有衣物對衆估唱懲貪積
也估唱得錢必照板帳支用外其錢作三七抽分歸常住百
抽叁拾貫不滿餘則均俵僧衆經資一伯則佛事壹貫方丈
百貫則不抽分倍之以壹千貫為率條列于前約其成式多則增而上之少
則降而殺之臨時又量衆隨宜以斟酌之或勤舊有田地米

當盡歸常住仍量唱衣錢多寡多則排日
俵觀諷經看經添奠茶湯轉龕骨等佛事

大衆章終

節臘章第八

僧不序齒而序臘以別俗也西域三時以一時為安居出入有禁
止凡禪誦行坐依受戒先後為次而制以九旬策勲于道以三旬
營資身之具使內外均養身心俱安也尅期進修不捨寸陰護惜
生命行兼慈忍旨哉聖訓萬世永遵而五竺地廣暑寒霖潦氣
候之弗齊故結制有以四月五月十二月然皆始以十六日所謂雨
安居者因地隨時惟適之安或曰坐夏或曰坐臘戒臘之義始此
如言驗蠟人冰以坐臘之人驗其行猶冰潔或謂埋蠟人於地
以驗所修之成虧者類淫巫俚語庸非相傳之訛耶且吾所修
證聖不能窺豈外物可測其進退哉今禪林結制以四月望解以
七月望者若先一日講行禮儀而期內得專志於道故略繁文

亦隨方毗居或議不如法而不知其得法外意也中土以冬爲一陽之始歲爲四序之端物時維新人情胥慶禮貴同俗化在隨宜故以結解冬年爲四大節周旋規矩聳觀龍象之筵主賓唱酬兼聞獅子之吼禮文秩秩猗歟盛哉

夏前出草單

叢林以三月初一日出草單後方丈止掛搭堂司依戒臘牌寫僧數令行者先呈首座次呈住持兩序掛僧堂前備卓子列筆硯于下凡三日皆齋後出或有差悞請自改正蓋防初上床曆一時恐有錯亂又衆多或致漏落將寫圖帳故先具草單各當自看本名戒次高下近來好爭作鬧者往往恃強挾私爭較名字

是非互相塗抹喧譁撓衆犯者合擯果有冒名越戒者惟當詳稟維那首座覆住持處置

草單式

戒次朱書
名字墨書

清衆戒臘

威音王戒

陳如尊者

堂頭和尚

至元幾戒

某甲上座

大德幾戒

某甲上座

元貞幾戒

某甲上座

至大幾戒

某甲上座

右具如前恐有差悞請自改正伏幸
衆悉 今月 日堂司 某 具

新掛搭人點入寮茶

新掛搭人入寮後照例納陪寮錢若干候寮元輪排當在何日

掛點茶牌報衆書云今晨齋退某甲上座某甲上座須各備小

香合具威儀預列衆寮前右邊立候衆下堂茶頭即鳴寮前板

衆至揖迎歸位立定點茶人列一行問訊揖坐坐畢分進中爐

上下間爐前燒香人多不過九人則三三進前退步轉身須相

照顧詳緩列一行問訊仍分進爐前問訊退仍一行列問訊而

立謂之揖香鳴寮內小板二下行茶遍瓶頭從穿堂入仍如前進前問

訊復退作一行問訊謂之揖茶鳴小板一下收盞衆起立定寮

元出爐前對點茶人代衆謝茶衆人就位同時合掌謝畢寮元

復位點茶人復一行列問訊再各分進鑪前問訊謂之謝衆臨

仍退作一行問訊鳴寮前板三下大衆和南而散寮元隨令

茶頭請點茶人獻茶候點入寮茶畢寮元逐日依戒具名點戒

臘茶行禮並同前

丙。出圖帳

草單已定堂司依戒臘寫楞嚴圖念誦巡堂圖被位圖鉢位圖

式前後互見戒臘牌惟鉢位圖當分十六板餘隨僧堂大小不拘除單寮西堂

首座勤舊排板頭外其餘並依戒臘舊以送蒙堂者排副鉢後

因爭競不排悉依戒次具草本呈首座次呈住持看定方寫諸

圖正本再呈惟鉢位圖遍呈單寮浴佛日並鋪大殿前被鉢位

圖又當預出書小榜報衆云粥罷排被鉢位伏幸貼僧堂

前後門

被位
做此

十六板首鉢之位之圖

不分
板首



衆寮結解特為衆湯 附建散楞嚴

四月初待衆詣方丈謝掛搭罷堂司圖帳已定寮元依戒排經
 櫃圖茶湯問訊圖清衆戒臘牌入寮資次牌淨髮牌夏中行茶
 湯瓶盞圖兄弟結緣隨意書名圖成大衆和南時俱出於穿堂十二日午
 後堂司行者覆住持兩序諸寮掛諷經牌報衆寮元洒掃衆寮
 預具狀觀貼寮前下間請合寮尊衆特為湯鋪設照牌觀音前
 設供養上下間排香爐燭臺預煎湯寮元親送方丈令茶頭分
 送諸寮俱畢鳴寮內小板先講小座湯亦設照牌特為寮主副
 寮楞嚴頭行瓶盞人請寮長光伴揖坐燒香揖香歸位坐行湯
 畢方鳴寮前板寮長大衆入座請維那侍者光伴與寮元分手

位寮長對面位大衆依戒四案位寮主副寮分案行禮皆巡問
訊入座揖坐燒香揖香鳴寮內板二下行湯遍揖湯又鳴板一
下收盞畢寮長進爐前謝湯畢鳴寮前板三下退座兩序入
寮首座都寺各燒香歸班位立寮元於門外右立伺迎住持入
燒香立定寮元於西序班末後立出燒香禮拜楞嚴頭舉呪
回向畢寮元送住持出七月十二日禮同

狀

守寮比丘 某 右某啓取今晚就寮煎湯一中特
爲 合寮尊衆聊旌 某制之儀伏望 衆慈同垂
光降謹狀 今月 日 守寮比丘 某 狀
可漏子狀請 合寮尊衆禪師 守寮比丘某謹狀

式

楞嚴會

四月十二日啓建堂司預照大衆戒臘寫圖後浴佛日諸圖帳俱

同出鋪殿前請書記製疏語維那先期擇有音聲者爲楞嚴
頭引詣方丈庫司問訊皆請點心維那光伴至期寫普回向偈

偈見後乃真 貼殿內左右柱上有處見成刻牌則掛牌堂司行

者隔宿報衆云來晨粥罷各具威儀請就掛諸寮諷經牌次日

粥罷候殿上排辦畢覆兩序次覆住持自衆寮前鳴板起巡廊

鳴遍鳴方丈板住持出鳴庫堂前大板三下鳴大鐘僧堂鐘殿

鐘住持至佛前燒香上茶湯畢歸位行者鳴鈸維那揖住持兩

序出班燒香大衆無拜此舊規所載近時有謂大衆同展三拜
住持跪鑪並與 聖節佛誕禮同不知何所祖述

原夫大衆拜與住持跪鑪宣疏者以祝 聖壽報佛恩當嚴其
禮以示特重楞嚴會乃祈保安居於禮可殺不若從舊爲允

白佛宣疏畢楞嚴頭唱楞嚴衆和畢乃作梵音唱念經首序引

普

上東現前比丘衆

諷誦楞嚴秘密呪

回

回向護法衆龍天

土地伽藍諸聖造

向

三塗八難俱離苦

四恩三有盡沾恩

偈

一衆熏脩希勝進

風調雨順民康樂

疏語鏘金由淬礪之精其鋒莫挫鏡假鍊磨之瑩則照不昏故

先聖顯抑揚之機為衆生破微細之惑摩登慶喜妙協

冥權世尊文殊特彰化軌闡一代教觀則有觀有教示

密因修證而無證無修明真見而息諸塵空花無蒂居正

定以制羣動止水不波願末裔之何知誦遺言而自警伏願

促恒河沙劫為一念無間長期會十方刹土以同居咸成正

覺

滿散 瞻此林園宛爾 祇桓精舍 現前海衆儼然 一會靈

山 括大千於微塵 融三際於當念 屬休夏之自恣 無犯

無持總萬象以交參 孰凡孰聖人人妙覺 刹刹毗盧 示現千

百億身 超越五十七位以指喻指之非指 指指亦俱亡 似空藏

空而合空空寧可餉 為憐幼穉 特獎愚蒙 遵遺教以

受持賴安居之無障 伏願奢摩寂靜具足 諸塵勞門 大

用繁興等入首楞嚴定

戒臘牌

堂司寺司衆寮頭法戒臘寫造至十四日午後堂司牌列僧堂

前上間侍司牌列法堂下間衆寮牌列寮內各備香几爐燭供養大衆各炷香展拜畢仍各收牌掛起

四方丈小座湯

四節講行按古有三座湯第一座分二出特為東堂西堂請首座光伴第二座分四出頭首一出知事二出西序勤舊三出東序勤舊四出西堂光伴第三座位多分六出本山辦事諸方辦事隨職高下分坐職同者次之首座光伴侍司預備草圖呈方丈議定至日依名書照牌午後備卓袱作一二三座陳列寢堂下間東西堂前堂首座都寺係請客侍者各請寮觸禮拜請云

堂頭和尚請今晚就寢堂特為獻湯餘頭首辦事名勝方丈客頭行者請云

參前請就寢堂特為獻湯寢堂釘掛排位秉燭裝香畢客頭行者覆侍者次

覆方丈鳴鼓初座客集侍者揖引至住持前問訊依照牌入位立定燒香侍者請客侍者分往特為人前巡問訊揖坐已復位並立燒香侍者進前燒香仍歸位與請客侍者同時轉身分巡問訊揖香候鳴板二下行湯遍仍巡揖湯畢燒香侍者進燒光伴香鳴板一下收盞鳴鼓三下退座三座行禮並同叢林以茶湯為盛禮近來多因爭位次高下遂寢不講住持當力行之江湖老成當力從史之庶將來知所矜式云

- 小 第一主 一 第二主 一 第三主 一 四 一
- 座 一 二 三

四節土地堂念誦

凡遇節先一日午後土地堂嚴設供養排香燭臺凡爐瓶堂司行者報眾掛念誦牌巡廊鳴板與三八同眾集相對薦立住持先祖堂次大殿炷香三拜鳴大板三下鳴大鐘住持至大衆俛首合掌為迎住持侍者隨後只當叉手而過燒香歸位行者鳴鈸維那出揖班上香畢念誦回向 見後

四節

切以薰風扇野炎帝司方當法王禁足之辰乃釋子護生之日恭哀大衆肅詣靈祠誦持萬德洪名回向合堂真宰所祈加護得遂安居仰憑大衆念云云切以金風扇野白帝司方當覺皇解制之辰是法歲周圍之日九旬無難一衆咸安誦持萬德洪名仰答合堂真宰仰憑大衆念云云

念

切以時臨亞歲節屆書雲當一陽來復之辰乃萬彙發生之始恭哀大衆肅詣靈祠誦持萬德洪名回向合堂真宰

誦

仰憑大衆念云云切以化工密運歲曆云周咸忻四序之安將啓三陽之慶恭哀大衆肅詣靈祠誦持萬德洪名回向合堂真宰仰憑大衆念云云

回

上來念誦功德回向當山土地列位護伽藍神合堂真宰所冀神功叶贊發揮有利之勛梵苑超隆永錫無私之慶再勞尊衆念十方三世一切云云四節並同

向

上來念誦功德回向當山土地列位護伽藍神合堂真宰所冀神功叶贊發揮有利之勛梵苑超隆永錫無私之慶再勞尊衆念十方三世一切云云四節並同

庫司四節特為首座大衆湯

念誦罷就僧堂講禮都寺預於齋退具湯榜觀即令客頭行者備梓袂爐燭詣前堂首座前插香觸禮一拜稟云今晚就雲堂悲點湯伏望慈以榜呈納首座隨令本寮茶頭遞付供頭貼僧堂前下間庫司客頭隨覆云拜請湯罷就座藥石都寺懷香詣方丈觸禮

一拜請云

今晚就雲堂特為首座大眾點湯伏望和尚慈悲特垂降重

仍分付客頭請勤舊

蒙堂諸寮各掛點湯牌逐一請已僧堂前列照牌設首座與住

持對面位上下間安大眾位差行者專直特為人念誦畢即鳴

齋鼓一通大眾歸鉢位頭首一班齊歸前板都寺隨入揖首座

離位却揖以次頭首進板首隨送首座歸位從聖僧後右出堂

外迎住持入堂供頭緩鳴堂前鐘七下送住持入位仍往首座

前揖坐仍如前出從首座板起巡堂一匝外堂上下間歸堂中

立問訊眾坐進前燒香次上下間外堂歸香合安元處即往特

為人前問訊右出住持前問訊仍巡問訊一匝及外堂歸堂中

問訊側立鳴堂前鐘二下先進特為人與住持湯次行大眾湯

遍瓶出往特為人前問訊右出聖僧前大展三拜仍巡堂一匝

出外堂巡畢引全班入住持前行禮初展云

此日粗湯特沐慈悲降重下情不勝

感激之至

再展云

即日時令謹時恭惟堂頭和尚尊候起居多福

退觸禮三拜畢轉身引從

聖僧後轉右出堂前排立首座隨出對觸禮一拜謝湯復從上

間入特為位都寺復歸中燒香

為藥石故

而退堂司行者喝云

請大眾下鉢行者進住持特為人卓大眾展鉢

鳴鼓三下退座方丈預出免人事榜云

某節並就來日法堂上人事例免到方丈伏希

眾悉

住山某

咨白

貼僧堂上間不鳴放參鐘

四節並同惟冬節湯罷行糞果方行藥石

湯

庫司今晚就雲堂點湯一中特為首座大眾聊旌其節之儀伏望

榜

衆慈同垂

光降

今日庫司比丘某等敬白

結制禮儀

至日五更兩序大小勤舊江湖辦事鄉曲法眷小師皆當詣方丈
 文插香展禮若見僧堂前出免人事榜則不必往侍者覆方丈
 令行者報衆掛上堂牌粥罷住持說法畢詳白行禮始末云下座先與
西堂人事觸禮一拜次與知事人事兩展三禮次與首座大衆人
事兩展三禮知事先歸庫司首座領大衆詣庫司人事觸禮三拜
首座歸僧堂前上間後堂領大衆歸僧堂下間與首座人事觸禮
三拜畢依念誦圖立首座領衆巡入堂內立定首座離位聖僧前
燒香大展三拜巡堂一匝歸位行者喝云首座禮謝大衆觸禮三
拜次知事入堂燒香大展三拜巡堂一匝至聖僧板頭排立行者
喝云知事禮謝大衆觸禮三拜不出堂住持入堂燒香大展三拜
巡堂一匝歸位行者喝云堂頭和尚與大衆人事普觸禮三拜又
觸禮三拜次第巡察下座行者即進香燭臺几爐瓶作一字排

列畢西堂進前人事次知事進插香初展云

此際安居獲奉巾瓶惟仗法力資持

願無難事

再展云

即日孟夏謹時恭惟堂頭和尚尊候起居多福

退觸禮三拜住持答一拜

次首座領衆插香勤舊諸寮皆隨後次第插香

並展禮致詞衆退

住持趺坐侍者小師插香展拜次衆頭領衆行者插香禮拜次

作頭領老郎諸直廳轎番人僕等衆拜首座領衆詣庫司人事

觸禮三拜後堂首座領衆歸僧堂前下間立定前堂首座居上

間堂司行者喝云大衆與首座對觸禮三拜畢依念誦圖立首座

領衆巡入堂內歸位立侍者暫到巡半堂侍者於聖僧龕後立

暫到向侍者立定首座離位進聖僧前燒香大展三拜巡堂一

匝復位喝云首座禮謝大衆對觸禮三拜畢知事入燒香展拜巡堂畢

排立聖僧板頭喝云謝知事大衆對觸禮三拜畢不出堂住持入堂

燒香展拜巡堂歸位出候講禮畢復位喫茶喝云與大衆人

事普觸禮三拜喝云大衆普觸禮三拜持入堂則不曾答得知

事禮蓋禮無不答者近希叟和尚知事退身出堂外侍者暫到

隨後出大衆就坐侍者歸中問訊揖坐進中鑪上下問至外堂

燒香香合安元處退身當中問訊上下問外堂問訊了歸中立

鳴鐘二下行茶徧瓶出復如前問訊中立鳴鐘一下收盞鳴鐘

三下出堂衆散住持次第巡察各寮嚴設坐椅香几於門外候

住持從東廊第一寮巡起至各寮香几前寮主同衆插香云此

禮當拜賀返沐降重會香云適辱禮賀專此致謝送住持數步復側立香几之右合

掌問訊待衆行盡就隨其末次第巡過各寮人隨後接巡至法

堂上住持於香几内中立大衆三人一引問訊而過巡至本寮

香几之側各各依次合掌立定一一巡徧而散四節並同

四節秉拂

住持小參時白云來晨齋退煩都寺維那侍者賣牌拂次日齋

退燒香侍者即令客頭行者携主杖牌拂人僕捧梓袂爐燭約

都寺維那同詣各頭首寮炷香觸禮一拜稟云方丈和尚謹賣牌

拂專此拜請今一一請已首座約同受請頭首帶行者將牌拂

主丈隨詣方丈稟辭住持當力勸勉送出首座轉身就稟云命

既嚴不容辭却敢借法座伏望慈悲古次就燒香侍者處借

法鼓秉拂人令茶頭行者請聖僧侍者禪客燒香獻茶畢云

今晚秉拂輒煩侍者燒香禪客問話復令行者僧堂前掛秉拂牌方丈請秉拂人

藥石免赴當送往堂司行者排辦法座左手敷罌恩設住持位

昏鐘鳴時行者覆秉拂人次覆住持鳴鼓一通眾集小參禮同

住持出徑歸位立定都寺維那侍者同往秉拂人前問訊秉拂

人往往住持前問訊次知事前問訊巡至班末次至同班前問訊

亦巡至班末即舉手與大眾普同問訊登座坐定秉拂侍者同

方丈侍者出座下問訊兩序西堂次第問訊住持問訊秉拂人

當起身仍就座云

侍者請堂頭和尚跌坐

秉拂侍者至住持前問訊轉身

登座燒香提坐具問訊叉手側立秉拂人索語問答了提綱叙

謝方丈及兩序勤舊諸寮大眾畢舉方丈小參公案或拈或頌

畢下座住持前問訊復元位以次秉拂人並如前禮秉拂罷方

丈客頭唱請湯果如小參時秉拂人即懷香同詣方丈拜謝就

坐湯果次日方丈請茶如都寺辦齋併請茶半齋點心別日上

堂叙謝管待或請立班西堂在第二夜秉拂住持小參時先委

曲勸請舉揚隨意拈頌公案迤相激揚此道近時叙謝循襲繁

贅使人厭聽取諛識者蓋秉拂以法為施苟徇時儀但總標名

或畧提過足矣

方丈四節特為首座大眾茶

至日粥罷請客侍者寫茶榜觀備梓袱鑪燭詣寮炷香觸禮請

云堂頭和尚今晨齋退就雲

以榜呈納貼僧堂前上間客頭行

者請以次頭首諸寮及請知事光伴掛點茶牌長板鳴請客侍

者入堂聖僧前燒香一炷大展三拜巡堂一匝至中間訊而退

謂之巡堂請茶堂前排特為照牌首座與住持對面上首知事

與住持分手位維那次之以次知事與受特為人分手位鳴鼓

集眾燒香侍者行禮並與庫司特首座至住持前謝茶兩展三

禮初展云茲者特蒙煎點下再展云即日時令謹時恭惟堂退

觸禮三拜住持每一展則約止之至觸禮則答一拜首座轉身

從聖僧後右出住持畧送復位侍者燒光伴香鳴鐘收盞鳴鼓

退座亦同前首座先往法堂候住持拜謝免則問訊

榜

堂頭和尚今晨齋退就雲堂點茶一中特為首座大眾聊旌其節之儀仍請諸知事同垂光伴

式

今月 日侍司 某敬白

庫司四節特為首座大眾茶

遇節之次日粥罷庫司具茶榜與湯請茶報眾掛牌長板鳴入

堂請茶與侍者同齋退排照牌設位鳴鼓集眾揖坐揖香揖茶

巡堂問訊住持前行禮致詞並同湯禮

前堂四節特為後堂大眾茶

遇節之第三日首座具茶狀觀詣後堂首座寮及詣方丈請茶

講行禮儀次第並與庫司特為茶同但添設知事位次

茶

前堂首座比丘某 右某啓取今晨齋退就 雲堂 點茶一中特為 後堂首座大眾聊旌 其節之儀

狀

仍請諸
可漏子

知事同番
狀請

後堂首座大衆
光伴 今月

日具位某狀
具位 謹封

旦望巡堂茶

住持上堂說法竟白云

下座巡
堂喫茶

大衆至僧堂前依念誦圖立次

第巡入堂內暫到與侍者隨衆巡至聖僧龕後暫到向龕與侍者對面而立大衆巡徧立定鳴堂前鐘七下住持入堂燒香巡堂一匝歸位知事入堂排列聖僧前問訊轉身住持前問訊從首座板起巡堂一匝暫到及侍者隨知事後出燒香侍者就居中間訊揖坐俟衆坐定進前燒香及上下堂外堂先下間次上間香合安元處爐前逐一問訊揖手畢歸元位鳴鐘二下行茶瓶出復如前問訊揖茶而退鳴鐘一下收盞鳴鐘三下住持出

坐首座大衆次第而出或迫他緣或住持暫不赴衆則粥罷就座喫茶侍者行禮同前

方丈點行堂茶

節臘僧堂茶罷侍者同客頭至行堂點茶客頭預報衆頭掛點茶牌報衆燒湯出盞請典座光伴方丈預送茶侍者至庫司典座接入衆頭堂主領衆行者門迎侍者居主位代住持也典座右位侍者出中燒香一炷復位以手揖衆坐喫茶畢典座送出衆頭堂主門送即詣方丈謝茶

庫司頭首點行堂茶

庫司候方丈點茶罷知事詣行堂點茶知事居主位典座分手

行禮與方丈侍者同送出門喝云熱頭大衆請庫司客頭報云

知事傳語免謝茶頭首候點僧堂茶見兩庫司罷令堂司行者報參頭掛牌

報衆請典座先伴行禮與庫司同出門喝謝喝免亦同

丙。月分須知

正月 初一日有處四孟月大衆行道諷經祈保次具門狀官

負檀越諸山賀歲十七日 百文忌

二月 初一日僧堂內閉爐或山寺高寒毋拘十五日 佛涅槃

三月 初一日堂司出草單清明日祖堂諸祖塔諸檀越祠庫

司預報洒掃嚴備供養集衆諷經正月出榜禁約山林茶笋

四月 初一日鎖旦過初四五間告香普說初八日 佛誕浴

佛庫司預造黑飴方丈請大衆夏前點心十三日建楞嚴會十

五日 結制候天氣僧堂內下暖簾上涼簾

五月 端午日早晨知事僧堂內燒香點苜蒲茶住持上堂次

第建青苗會堂司預出諸寮看誦經單直歲點檢諸處整漏疏

浚溝渠方丈詣諸寮諸庵塔各作一日點茶温存僧堂內掛帳

六月 初一日隆暑首座免鳴坐禪板入伏堂司提調晒薦炭

頭或庫司打炭團

七月 初旬堂司預出孟蘭盆會諸寮看誦經單預率衆財

辦斛食供養十三日散楞嚴會十五日解制當晚設孟蘭盆會

諷經施食

八月 初一日開旦過知客預晒寮內薦蓆此月脩補本色衲
子未遽起單僧堂收帳

九月 初一日首座復鳴坐禪板堂司提調糊僧堂窓下涼簾
上暖簾重陽日早晨知事燒香點茱萸茶住持上堂許方來相
看

十月 初一日開爐方丈大相看初五日 達磨忌

十一月 二十二日 帝師忌冬至庫司預辦糍果此月或進

退職事或在歲節方丈請大衆冬前點心

十二月 初八日 佛成道庫司預造紅糟歲終結呈諸色簿書

節臘章終

法器章第九

上古之世有化而無教化不足而禮樂作焉擊壤之歌不如九
成之奏窪樽之飲不若五齊之醇然文生於質貴乎本也吾天
竺聖人最初示化謂人人妙覺本無凡聖物物全真寧有淨穢
無假修證不涉功用而昧者茫然自失若聾瞽焉於是隨機設
教擊犍椎以集衆演之爲三藏修之爲禪定迄于四十九年而化
儀終矣梵語犍椎凡瓦木銅鐵之有聲者若鐘磬鐃鼓椎板螺
唄棗林至今倣其制而用之于以警昏怠肅教令導幽滯而和
神人也若夫大定常應大用常寂聞非有聞覺亦非覺以考以
擊玄風載揚無思無爲化日自永雍雍乎仁壽之域清泰之郛

矣

鐘

大鐘禁林號令資始也曉擊則破長夜警睡眠暮擊則覺昏衢疏冥昧引杵宜緩揚聲欲長凡三通各三十六下總一百八下起止三下稍緊鳴鐘行者想念偈云願此鐘聲超法界鐵圍幽暗悉皆聞聞塵清淨證圓通一切衆生成正覺仍稱觀世音菩薩名號隨號扣擊其利甚大遇

聖節看經上殿下殿三念誦佛誕成道涅槃建散楞嚴會諷經齋粥過堂人定時各一十八下如接送官負住持尊宿不以數限庫司主之 僧堂鐘凡集衆小擊之遇住持每赴衆入堂

時鳴七下齋粥下堂時放參時旦望巡堂喫茶下床時各三下

住持或不赴堂或在假則不鳴堂前念誦時念佛一聲輕鳴一下末疊一下堂司主之 殿鐘住持朝暮行香時鳴七下凡集衆上殿必與僧堂鐘相應接擊之知殿主之

感通傳云拘留孫佛於乾竺修多羅院造青石鐘於日出時有諸化佛與日俱出密說顯演十二部經聞法證聖不可勝數增一阿含經云若打鐘時一切惡道諸苦並皆停止又金陵志云民有暴死入冥司見有五木縲械者告之曰吾南唐先主也以宋齊丘之誤殺和州降者致此每聞鐘聲暫息吾苦仗汝歸白嗣君為吾造鐘民還具聞後主因造大鐘於清涼寺鐫曰薦烈祖孝高皇帝脫幽出厄

版

大版齋粥二時長擊三通木魚後三下疊疊擊之謂之長版念誦楞嚴會徹戒火燭各鳴三下報更則隨更次第擊之方丈庫首座寮及諸寮各有小版開靜時皆長擊之報衆時各鳴三下衆寮內外各有版外版每日大衆問訊時三下坐禪坐叅時各三下候衆歸堂次第鳴之點茶湯時長擊之內版掛搭歸寮時三下茶湯行盞二下收盞一下退座三下小座湯長擊之

木魚

齋粥二時長擊三通普請僧衆長擊一通普請行者二通相傳云魚晝夜常醒刻木象形擊之所以警昏惰也

椎

齋粥二時僧堂內開鉢念佛唱食遍食施財白衆皆鳴之維那主之下堂時聖僧侍者鳴之知事告退時請知事時亦鳴之住持入院開堂將說法時諸山上首鳴之謂之白椎也

世尊一日陞座大衆集定文殊白椎云諦觀法王法法王法如是世尊便下座

磬

大殿早暮住持知事行香時大衆看誦經呪時直殿者鳴之唱衣時維那鳴之行者披剃時作梵闍黎鳴之小手磬堂司行者常隨身遇衆誦鳴之爲起止之節

四。鏡鈸

凡維那揖住持兩序出班上香時藏殿祝贊轉輪時行者鳴之遇迎引送亡時行者披剃大眾行道接新住持入院時皆鳴之

四。鼓

法鼓凡住持上堂小參普說入室並擊之擊鼓之法上堂時三

通先輕敲鼓磔三下然後重手徐徐擊之使其緊慢相參輕重

相應音聲和暢起復連環隱隱轟轟若春雷之震第一通

延聲長擊少歇轉第二通連聲稍促更不歇聲就轉第三通

一向纏聲擊之候住持登座畢方歇聲雙推連打三下小參

一通普說五下入室三下皆當緩擊 茶鼓長擊一通侍司主

之 齋鼓三通如上堂時但節會稍促而已 普請鼓長擊一

通 更鼓早晚平擊三通餘隨更次擊庫司主之 浴鼓四通

次第候眾擊其詳見知浴章知浴主之已上宜各有常度毋令失准若

新住持入院諸法器一齊俱鳴

金光明經云信相菩薩夜夢金鼓其狀殊大其明普照喻如

日光光中得見十方諸佛眾寶樹下坐琉璃座百千眷屬圍

繞而為說法一人似婆羅門以袍擊鼓出大音聲其聲演說

懺悔偈頌信相菩薩從夢寤已至於佛所以其夢中所見金

鼓及懺悔偈向如來說又楞嚴經云阿難汝更聽此祇陀園

中食辦擊鼓眾集撞鍾鼓音聲前後相續於意云何此等

為是聲來耳邊耳往聲處

法器章終



